



## بِنَاذِم ن دَنُوب

2 اَقَا نَتَار زَايُوم، اَ اَومائِن، خ تَواَسِيْث ن سِيْذِيْتَنَغ يَشُو لَمَسِيْح ذ وُموِنِي نَغ اَكِيْذَس،  
 2 وَاوَز نَتَخْرِيْعِم نِيْع تَسْحِيْسِيْم شَا ذَغِيَا، وَاو اِذْجِي س شَا ن اَرُوْح نِيْع س اِج ن  
 وَاوَاز نِيْع س اِشْت ن ثِيْرَات اَحْمِي زَايِنَغ، اَحْمِي د يُوَسَا وَاَس ن سِيْذِي. 3 وَاو تَجِّي وُزَا  
 ذ اِج اَذ كَنِيُو اِغُوا س شَا ن وُبرِيْذ، مِيْنَزِي نَتَا وَاو د اِئِيْس مَغِيْر اَوَارِنِي حَمِي اِ غَا فَعْن  
 وَاطَاَس زَك وُبرِيْذ وُشَا اَذ د اِبَان بِنَاذِم ن دَنُوب، اَقَا-ث ذ مِيْس ن تَخْسَارِث، 4 وُتِي  
 اِتْمَاعَاَن وُ وُتِي اِ غَا اِسْعُوْدَجِن اِخْف نَس خ مَارَا مِيْن اِتَواَسْمَان اَرِّي نِيْع زَقْشَعْت ن  
 وُعْبَاذ، اَز اِ غَا اِقِيْم ذِي تَاذَارِث اِقْدَس ن اَرِّي وُشَا اَذ اِسْشَن اِخْف نَس اَقَا نَتَا ذ اَرِّي.  
 5 مَا وَاو تَعْقِيْزِم شَا وُوي نُوغَا-يِي كِيُوم، اَقَا نِيْع اُوم-ث؟ 6 مَاشَا زَحُو ثِيُوضَم تَسْمَن مِيْن ذ  
 اِس اِسْبَدَن عَاذ ذَك وُبرِيْذ حِيْمَا اَذ د اِبَان ذِي زَوَقْث نَس. 7 مِيْنَزِي سَمِيْر ن مِيْن اِذْجَان  
 ضِيْد ن تَاوَرَاث اَقَا اِخْدَم زَحُو، مَاشَا وُتِي ث اِسْبَدَن اَقَا-ث ذِيْن اَز اِ غَا اِمَكْسِي زِي  
 زَوَسْط. 8 ذِي زَوَقْث نِي اَذ اِضْهَار وُتِي نَبْرَا تَاوَرَاث، وُتِي اِ غَا اِسْهَلَك سِيْذِي يَشُو س  
 ثَوَارِيْث ن نَفَس زَك وُقْمُوْم نَس وُشَا اَذ ث اِسْبَضَر س نِيْسِيْقَت ن تَواَسِيْث نَس. 9 مَاشَا  
 تَواَسِيْث ن وُتِي نَبْرَا تَاوَرَاث اَم زَحْدَمْت ن شَيْطَان س مَارَا جَهْد ن زَعْجَابِذ ذ زَعْرَامَاث  
 ذ لَمُوْعَجِيْزَات اِسْخَارِيْقِن، 10 وُشَا س مَارَا زَعْش ن مِيْن وَاو اِسْكَذَن قِيْبَانْش اِ يَنِي اِ غَا  
 اِهْلَكِن، مِيْنَزِي نِيْشِي وَاو قَبِيْر ن شَا ثَايِرِي ن ثِيْذَت حِيْمَا اَذ تَواَسْجَمِن. 11 خ وُيْنِي اَرِّي  
 اَذ غَارَسَن-د اِسْكَ مِيْن ثِن غَا يَارْ غَار وُودَار كَنَار مَاحْنَد اَذ اَمْنَن ذَك وُخَارِيْق، 12 حِيْمَا  
 اَذ تَواَحَاكَمِن مَارَا اِنِّي وَاو يُوْمِيْن شَا ذِي ثِيْذَت، مَاشَا اَرْضَان ذِي مِيْن وَاو اِسْكَذَن.

## بَدَم نِيْشَان ذِي لَايْمَان وُ ذَك وُسْرَمْد اِ تَكْسِيْم

13 مَاشَا اِشُووَار اَنَغ اَذ خَاوَم نَفَاذَا اَرِّي زَبْدَا، اَ اَومائِن اِنِّي اِخْف اِعِيْز سِيْذِي، بَلِي اَرِّي  
 اَقَا اِخْضَار اِ كَنِيُو زَك وُمزَاوُو اِ وُسْنَجَم س ثُوْقَدْسِي زِي اَرُوْح وُ س لَايْمَان ن ثِيْذَت .  
 14 اَقَا اِزَاغَا-د خَاوَم اِ مَان اَيَا س زَخْبَار اَصْبَحَان نَغ، حِيْمَا اَذ تَكْسِيْم اَعُوْدَجِي ن سِيْذِي  
 يَشُو لَمَسِيْح. 15 خ وُيْنِي، اَ اَومائِن، بَدَم نِيْشَان وُشَا طَفَم ذِي ثَبْرَاث اِ ذ اوم اِتَواَسْرَمْدَن  
 زَايِنَغ، مَا س وَاوَاز نِيْع س ثِيْرَا. 16 وُشَا سِيْذِيْتَنَغ يَشُو لَمَسِيْح س اِخْف نَس ذ اَرِّي  
 بَابَانْغ، وُتِي ذَا نَغ اِخْسَن ذ وُتِي ذَا نَغ اِوْشَن اَفُوْج اِ زَبْدَا ذ وُيْسِيْم اِشْنَان س نِيْعَمْت،  
 17 اَذ اِسْتَفُوْج وُزَاوَن نُوْم وُشَا اَذ كَنِيُو اِسْتَجْهَد ذِي مَارَا زَحْدَمْت ذ وَاوَاز اَصْبَحَان.

### ثوثران بولوس ماحند آذ اس كسين زمعروف

3 الحاسول، اؤمائن، كسيم انغ زمعروف جيما اواز ن سيذي آذ د افغ ذغيا و آذ ائواسعودچ ام مامش ثوغا ايمسار جاروم عاوذ<sup>2</sup> و جيما آذ نئواسنجم زك اؤدان وار اخزين اغفانن، مينزي لايمان وار اذجي غار مارا<sup>3</sup>. ماشا ارئي ذ اصديق وني ذ اوم ا غا اسجهذن و شا آذ كنيو اصار زك و عفان<sup>4</sup>. ماشا نشين نتيق ذي سيذي بلي مين خف نوصا كنيو، آقا تئكم ث و شا آذ تقيمن تئكم ث<sup>5</sup>. آذ انده سيذي و زاون نوم غار ثايري ن ارئي ذ صبار ن لمسيح.

### اعزام زك ائي اكون نبرا و ستف

6 ماشا نوصا كنيو، اؤمائن، ذك اسم ن سيذي يشو لمسيح، آذ تحيدم ا كوز و ما ا اكون نبرا استف، وار اذجي علا حساب ثبارث ا اكسين زانغ<sup>7</sup>. آقا كنيو تسم مامش ا شووار آذ انغ صفارن، مينزي نشين وار نويور جاروم نبرا استف<sup>8</sup> و شا وار نشي اغروم آك-ذ حد باطر، ماشا س زخدمت ذ ثامارا ثوغانغ نخدم ذچيرت ذ واس جيما وار د نتيس نضقرخ شان اجن زايوم<sup>9</sup>. وار اذجي مينزي وار غارنغ تسريح ا مان آيا، ماشا جيما آذ نك اخف نغ ذ لمانال ا غا ثضفارم<sup>10</sup>. مينزي زامي ثوغانغ ندجا اكيذوم، آقا نوصا امو: مازا حد وار اخس آذ اخدم، وار ائت عاوذ<sup>11</sup>. مينزي نسزا آقا زين شا جاروم ائي اكون نبرا استف ام وار خدمن شا، ماشا تكن مين وار اسكوين<sup>12</sup>. آقا نومور و نزيار اؤدان ام بينا ذي سيذي يشو لمسيح جيما آذ خدمن ذي زهوذنث، آذ شن اغروم نسن<sup>13</sup>. ماشا كنيو، اؤمائن، وار ثوجيزم شا ماحند آذ تكم مين اشان<sup>14</sup>. ماشا مازا شان اجن وار اطاع ا واواز نغ ا يوران ذي ثبارث-ا، ارشم ث، وار نخدمضم ا كيس، جيما آذ اذوز اوضحا<sup>15</sup>. ماشا وار ث تحسبم ذ زغذو ماشا ندهم ث غار و پريذ ام اجن ناوماث.

### اواز ذ و سدچم انكارو

16 سيذي ن زهنا سيمانت نس آذ اوم اوش زهنا نس ا زندا خ مارا اغزديسن. سيذي آذ پيري اكيذوم مارا<sup>17</sup>. اچ ن و سدچم س و فوس انو، بولوس. ثا ذ زغرامث ن كوز ثابرات. امو اذ و ريغ<sup>18</sup>. تيعم ن سيذينغ يشو لمسيح آذ كيوم ثيري. امين.